



Broj: 08-02-07/2-11-2-744-31/25

Dana: 6.11.2025. godine

Na osnovu člana 70. stav (1), (4) i (6), a u vezi sa članom 69. stav (3) Zakona o javnim nabavkama ("Službeni glasnik BiH", broj: 39/19, 59/22 i 50/24), članom 8. stav (2) tačka d) Pravilnika o uspostavljanju i radu Komisije za nabavke ("Službeni glasnik BiH", broj: 103/14), na Preporuku Komisije za nabavke iz Izvještaja prema Odluci o izboru najpovoljnijeg ponuđača, broj: 08-02-07/2-11-2-744-30/25 od 3.11.2025. godine, u postupku javne nabavke "Sukcesivna nabavka hrane za službene pse", policijski komesar Uprave policije Ministarstva unutrašnjih poslova Zeničko-dobojskog kantona, d o n o s i:

ODLUKU **o poništenju postupka javne nabavke**

Član 1.

U skladu sa članom 69. stav (3) Zakona o javnim nabavkama ("Službeni glasnik BiH", broj: 39/14, 59/22 i 50/24), poništava se postupak javne nabavke za "Sukcesivna nabavka hrane za službene pse", zbog dokazivih razloga koji se nisu mogli predvidjeti u vrijeme pokretanja postupka javne nabavke.

Član 2.

Za izvršenje ove Odluke zadužuje se i ovlašćuje Sektor za materijalno-finansijske poslove.

Član 3.

Ova Odluka objaviće se na web-stranici ugovornog organa (www.mupzdk.gov.ba), u skladu sa članom 70. stav (6) Zakona o javnim nabavkama.

O b r a z l o ž e n j e

Postupajući u ponovljenom postupku nakon Rješenja Ureda za razmatranje žalbi broj: JN2-03-07-1-1381-7/25 od 2.10.2025. godine, u postupku nabavke "Sukcesivna nabavka hrane za službene pse", ugovorni organ je donio Odluku broj: 08-02-07/2-11-2-744-23/25 od 8.10.2025. godine o izboru ponuđača "AGRINATURA" d.o.o. Hadžići kao najpovoljnijeg ponuđača te je isti stavom II pomenute Odluke o izboru obavezan da u roku od 3 (tri) dana od dana zaprimanja Odluke o izboru, na Protokol ugovornog organa dostavi originale ili ovjerene kopije niže navedene dokumentacije, koja ne može biti starija od 3 (tri) mjeseca, računajući od momenta predaje ponude, kako slijedi:

a) izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;

b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;

c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.

d) potvrde nadležnih institucija o uredno izmirenim obavezama po osnovu direktnih i indirektnih poreza.



Za ispunjenje uslova iz člana 45. stav (1) tačka a) Zakona, a u vezi sa stavom (2) tačkom a) iste odredbe Zakona, ponuđač mora ispoštovati slijedeće:

Shodno mišljenju Suda BiH od 21.05.2019. godine, upućenog Agenciji za javne nabavke, u cilju urednosti ponuda, a prema članu 45. stav (1) tačka a), u vezi sa stavom (2) tačka a) istog člana Zakona, neophodno je da svaki kandidat/ponuđač kumulativno dostavi potvrdu Suda BiH i potvrdu suda prema sjedištu pravnog lica, odnosno kandidata/ponuđača, iz razloga što nije definisan Jedinstveni registar na nivou Bosne i Hercegovine, u koji bi se upisivale pravosnažne presude za osuđene za krivična djela organizovanog kriminala, korupcije, prevare i pranja novca.

Stoga, obaveza je kandidata/ponuđača da, u smislu odredbi člana 45. stav (1) tačka a), u vezi sa stavom (2) tačka a) iste odredbe Zakona, dostave uvjerenje Suda BiH i suda prema sjedištu pravnog lica, odnosno kandidata/ponuđača.

- 1 (jedna) obična kopija dostavljene dokumentacije iz stava II (ukoliko ponuđač ne dostavi kopiju ponude, njegova ponuda se neće označiti neprihvatljivom)."

Predmetna Odluka o izboru je ponuđaču "AGRINATURA" d.o.o. Hadžići dostavljena putem e-maila dana 10.10.2025. godine te je shodno tome rok za predaju tražene dokumentacije po Odluci na Protokol Ugovornog organa, istekao dana 13.10.2025. godine. Ugovorni organ je dana 13.10.2025. udovoljio zahtjevu odabranog ponuđača "AGRINATURA" d.o.o. Hadžići za produžetak navedenog roka za dostavu, te je kao krajnji rok određen 15.10.2025. godine. Međutim, niti pomjereni rok 15.10.2025. godine nije ispoštovan od strane ponuđača "AGRINATURA" d.o.o. Hadžići, budući da je dokumentaciju dostavio na Protokol dana 17.10.2025. godine i to nepotupnu - ista nije sadržavala traženo uvjerenje Suda Bosne i Hercegovine. Navedeno Uvjerenje je dostavljeno naknadno i to dana 23.10.2025. godine. Također, traženi dokumenti, osim što su dostavljeni van određenih i produženih rokova, nisu sadržavali činjenice iz kojih je vidljivo da je ponuđač na dan predaje/dostavljanja ponude ispunjavao tražene uslove, a kako je traženo tačkom 12. predmetne Tenderske dokumentacije, već se isti odnose na period nakon dostavljanja Odluke broj: 08-02-07/2-11-2-744-23/25 od 8.10.2025. godine o izboru ponuđača "AGRINATURA" d.o.o. Hadžići kao najpovoljnijeg ponuđača.

Shodno svemu navedenom, s obzirom da je odabrani ponuđač "AGRINATURA" d.o.o. Hadžići propustio dostaviti originale ili ovjerene kopije dokumentacije tražene Odlukom o izboru, u roku koji je odredio ugovorni organ, a isti je bio jedini ponuđač u predmetnom postupku nabavke, odlučeno je kao u dispozitivu ove Odluke.

PRAVNA POUKA:

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa u postupku javne nabavke, ima pravo uložiti žalbu na postupak u pisanoj formi u roku od 5 (pet) dana po prijemu odluke o poništenju.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno, elektronskim putem ili preporučenom poštanskom pošiljkom.

Žalba se podnosi u najmanje 3 (tri) primjerka.

**POLICIJSKI KOMESAR
GENERALNI INSPEKTOR POLICIJE**

Admir Gazić

DOSTAVLJENO:

1. Ponuđač, 1x-
2. Sektor za mat.-fin.poslove, 1x.-
3. Spis, 1x.-



Broj: 08-02-07/2-11-2-744-32/25
Dana: 6.11.2025. godine

AGRINATURA d.o.o. Hadžići

Na osnovu člana 71. Zakona o javnim nabavkama ("Službeni glasnik BiH", broj 39/14,59/22 i 50/24), policijski komesar Uprave policije Ministarstva unutrašnjih poslova Zeničko-dobojskog kantona, d o n o s i:

OBAVJEŠTENJE
o poništenju postupka javne nabavke

Uprava policije ovog Ministarstva putem konkurentskog zahtjeva za dostavu ponuda za "Sukcesivna nabavka hrane za službene pse, donijela je Odluku broj: 08-02-07/2-11-2-744-31/25 od 6.11.2025. godine, o okončanju predmetnog postupka poništenjem.

S tim u vezi, u prilogu dostavljamo pomenutu Odluku o poništenju, sa Izvještajem Komisije prema Odluci o izboru najpovoljnijeg ponuđača broj: 08-02-07/2-11-2-744-30/25 od 3.11.2025. godine.

PRAVNA POUKA:

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa u postupku javne nabavke, ima pravo uložiti žalbu na postupak u pisanoj formi u roku od 5 (pet) dana po prijemu odluke o poništenju. Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno, elektronskim putem ili preporučenom poštanskom pošiljkom. Žalba se podnosi u najmanje 3 (tri) primjerka.

**POLICIJSKI KOMESAR
GENERALNI INSPEKTOR POLICIJE**

Admir Gazić

DOSTAVLJENO:

1. Ponuđač, 1x-
2. Sektor za mat.-fin.poslove, 1x.-
3. Spis, 1x.-

